

古今文綜

野庵書贈

古今文綜 第六部 辭賦雜文之屬

第三十六冊

目錄

第一編 辭賦類

第二章 頌贊

(甲)頌

(一)無韻之頌

漢董仲舒山川頌

漢王褒聖主得賢臣頌

唐韓愈伯夷頌

(二)有韻之頌

(子)人物

漢揚雄趙充國頌

晉陸機漢高祖功臣頌

唐韓愈子產不毀鄉校頌

清洪亮吉漢麒麟閣功臣頌

清劉履芬國初功臣頌

清宦懋庸瀛海名人頌

(丑)武功

漢史岑出師頌

唐元結大唐中興頌

清毛奇齡平滇頌

清孔廣森武成頌

(寅)上儀

晉潘尼釋奠頌

宋宋祁籍田頌

宋宋祁明堂頌

清洪亮吉萬壽無疆頌

(卯)德政

漢蔡邕京兆樊惠渠頌

清蔡簾高邑侯德政頌

清蔡簾陳子餘明府德政頌

(辰)休祥

宋鮑照河清頌

隋許善心神雀頌

(巳)雜事物

漢蔡邕祖德頌

晉劉伶酒德頌

梁簡文帝大法頌

梁簡文帝馬寶頌

梁江淹閩中草木頌

清汪中狐父之盜頌

清皮錫瑞伏羲畫卦頌

(乙)贊

(一)無韻之贊

(子)史贊

漢司馬遷史記項羽本紀贊

漢司馬遷史記孔子世家贊

漢司馬遷史記蕭相國世家贊

漢司馬遷史記張耳陳餘列傳贊

漢班固漢書西域傳贊

漢班固漢書董仲舒傳贊

漢班固漢書司馬遷傳贊

宋宋祁新唐書韓愈傳贊

(丑)雜贊

唐張說蒲津橋贊

宋王回嵇紹贊

(二)有韻之贊

(子)人物

晉袁宏三國名臣序贊

唐李白魯郡葉和尚贊

明陳子龍郭林宗先生贊

清胡天游朱雲贊

清李慈銘鄉賢倪涵初先生贊

(丑)山水

晉庾肅之山贊

唐李華靈濤讚

清洪亮吉少寨洞贊

清洪亮吉黑神河贊

清洪亮吉師子厓贊

清洪亮吉天山贊

清洪亮吉淨海贊

清洪亮吉遊京口南山記贊

清洪亮吉遊城北清涼山記贊

清洪亮吉遊幕府山十二洞及泛舟江口記贊

清洪亮吉自下洋川取道遊九華山記贊

(寅)文字

梁劉勰文心雕龍贊

清張成孫石鼓文贊

(卯)名理

宋司馬光無爲贊

清汪士鐸簡贊

清汪士鐸清贊

清汪士鐸靜贊

清汪士鐸悟贊

(辰)圖畫

晉郭璞爾雅圖贊

晉郭璞山海經圖贊

北周庾信自古聖帝名賢畫贊

唐杜甫畫馬贊

清洪亮吉長儷閣遺象贊

清董基誠鶴夢歸來圖贊

清李慈銘小螺盒像贊

(巳)雜物

北周庾信鶴贊

唐盧照鄰相樂夫人檀龕贊

唐呂溫藥師如來繡像贊

古今文綜

第六部

辭賦雜文之屬

第三十六冊

杭縣張相讓錄

杭縣姚漢章閱訂

第一編 辭賦類

第二章 頌贊

彥和有云容體底頌勲業垂讚蓋四始之至頌居其極而贊之爲體亦頌家之細條姚惜抱云頌贊類者詩頌之流而不必施之金石者也茲合爲一章述之

(甲)頌

釋名頌容也叙說其成功之形容也彥和云容告神明謂之頌是故

那詩清廟皆以告神自魯頌駟闕致美僖公其體始變則濫觴乎後世之爲矣

(一)無韻之頌

大抵頌贊箴銘祭弔哀誄之八事者韻文居多皆爲辭賦

之流姚惜抱謂漁父及楚人以弋說襄王宋玉對王問皆辭賦類辭賦固當有

韻然古人亦有無韻者。以義在託諷。亦謂之賦。竊本此指。推而闡之。頌贊以下八事。均有無韻之作。故悉以有韻無韻對舉爲目。旣以審其體要。亦以盡其流變。總述於此。後不復贅也。錄無韻之頌凡三首。

漢董仲舒山川頌

山則。龍。從。蟲。崔。巍。嶽。巍。久。不。崩。阨。似。夫。仁。人。志。士。孔。子。曰。山。川。神。祇。立。寶。藏。殖。器。用。資。曲。直。合。大。者。可。以。爲。宮。室。臺。榭。小。者。可。以。爲。舟。輿。浮。漚。大。者。無。不。中。小。者。無。不。入。持。斧。則。斫。折。鑣。則。艾。生。人。立。禽。獸。伏。死。人。入。多。其。功。而。不。言。是。以。君。子。取。辟。也。且。積。土。成。山。無。損。也。成。其。高。無。害。也。成。其。大。小。其。上。泰。其。下。久。長。安。後。世。無。有。去。就。儼。然。獨。處。唯。山。之。意。詩。云。節。彼。南。山。惟。石。巖。巖。赫。赫。師。尹。民。具。爾。瞻。此。之。謂。也。水。則。源。泉。混。混。沄。沄。晝。夜。不。竭。旣。似。力。者。盈。科。後。行。旣。似。持。平。者。循。微。赴。下。不。遺。小。間。旣。似。察。者。循。谿。谷。不。迷。或。奏。萬。里。而。必。至。旣。似。知。者。鄣。防。山。而。能。清。淨。旣。似。知。命。者。不。清。而。入。潔。清。而。出。旣。似。善。化。者。赴。千。仞。之。壑。而。不。疑。旣。似。勇。者。物。

皆困於火而水獨勝之。既似武者。咸得之而生。失之而死。既似有德者。孔子在川。上曰。逝者如斯夫。不舍晝夜。此之謂也。

漢王褒聖主得賢臣頌

夫荷旃被毳者。難與道純。縣之麗密。羹藜含糗者。不足與論太牢之滋味。今臣僻在西蜀。生於窮巷之中。長於蓬茨之下。無有游觀廣覽之知。顧有至愚極陋之累。不足以塞厚望。應明旨。雖然。敢不略陳愚心。而抒情素。記曰。恭惟春秋法五始之要。在乎審己正統而已。夫賢者。國家之器用也。所任賢。則趨舍省而功施。普器用利。則用力少而就效衆。故工人之用鈍器也。勞筋苦骨。終日矻矻。及至巧冶鑄干將之璞。清水淬其鋒。越砥斂其鍔。水斷蛟龍。陸剗犀革。忽若簞汜畫塗。如此則使離婁督繩。公輸削墨。雖崇臺五層。延袤百丈。而不溷者。工用相得也。庸人之御驚馬。亦傷吻弊筴。而不進於行。胸喘膚汗。人極馬倦。及至駕齧膝。驂乘旦。王良執靶。韓哀附輿。縱騁馳驚。忽如影靡。過都越國。蹶如歷塊。追奔電逐。遺風周流。八極萬

里一息何其遼哉。人馬相得也。故服絺綌之涼者。不苦盛暑之鬱燠。襲狐貉之煖者。不憂至寒之淒愴。何則有其具者。易其備。賢人君子。亦聖王之所以易海內也。是以嘔喻受之。開寬裕之路。以延天下之英俊也。夫竭智附賢者。必建仁策。索人求士者。必樹伯迹。昔周公躬吐握之勞。故有圖空之隆。齊桓設庭燎之禮。故有匡合之功。由此觀之。君人者。勤於求賢而逸於得人人。臣亦然。昔賢者之未遭遇也。圖事揆策。則君不用其謀。陳見惓誠。則上不然其信。進仕不得施效。斥逐又非其愆。是故伊尹勤於鼎俎。太公困於鼓刀。百里自鬻。甯戚飯牛。離此患也。及其遇明君。遭聖主也。運籌合上意。諫諍則見聽。進退得關其忠。任職得行其術。去卑辱與濯而升本朝。離蔬糲躋而享膏粱。剖符錫壤而光祖考。傳之子孫以資說士。故世必有聖智之君。而後有賢明之臣。虎嘯而谷風冽。龍興而致雲氣。蟋蟀俟秋吟。蜉蝣出以陰。易曰。飛龍在天。利見大人。詩曰。思皇多士。生此王國。故世平主聖。俊乂將自至。若堯舜禹湯文武之君。獲稷契臯陶伊尹呂望之臣。明明在朝。穆穆布列。

聚精會神。相得益章。雖伯牙操篳鐘逢門子。鸞鳥號猶未足以喻其意也。故聖主必待賢臣而弘功業。俊士亦俟明主以顯其德。上下俱欲懽然交欣。千載一會。論說無疑翼乎如鴻毛。遇順風沛乎若巨魚。縱大壑其得意如此。則胡禁不止。曷令不行。化溢四表。橫被無窮。遐夷貢獻萬祥。必臻是以聖主不徧窺望而視已明。不殫傾耳而聽已聰。恩從祥風。鞠德與和。氣游太平。之責塞優游之望。得遵游自然之勢。恬淡無爲之場。休徵自至。壽考無疆。雍容垂拱。永永萬年。何必偃仰詘信。若彭祖煦噓呼吸如喬松。眇然絕俗。離世哉。詩曰。濟濟多士。文王以寧。蓋信乎其以寧也。

唐韓愈伯夷頌

士之特立獨行。適於義而已。不顧人之是非。皆豪傑之士。信道篤而自知明者也。一家非之力行而不惑者寡矣。至於一國一州非之力行而不惑者。蓋天下一人而已矣。若至於舉世非之力行而不惑者。則千百年乃一人而已耳。若伯夷者。窮

天地亙萬世而不顧者也。昭乎日月不足爲明。峯乎泰山不足爲高。巍乎天地不足爲容也。當殷之亡。周之興。微子賢也。抱祭器而去之。武王周公聖也。從天下之賢士與天下之諸侯而往攻之。未嘗聞有非之者也。彼伯夷叔齊者。乃獨以爲不可。殷旣滅矣。天下宗周。彼二子乃獨恥食其粟。餓死而不顧。由是而言。夫豈有求而爲哉。信道篤而自知明也。今世之所謂士者。一凡人譽之。則自以爲有餘。一凡人沮之。則自以爲不足。彼獨非聖人而自是如此。夫聖人乃萬世之標準也。予故曰。若伯夷者。特立獨行。窮天地亙萬世而不顧者也。雖然。微二子亂臣賊子接跡於後世矣。

二有韻之頌

此彥和所謂頌。惟典雅。辭必清鑠。敷寫似賦。而不入華侈

之區。敬慎如銘。而異乎規戒之域者也。曰人物。曰武功。曰上儀。曰德政。曰休祥。

曰雜事物。凡六目。

(子)人物錄六首

漢揚雄趙充國頌

明靈惟宣。戎有先零。先零昌狂。侵漢西疆。漢命虎臣。惟後將軍。整我六師。是討是震。既臨其域。諭以威德。有守矜功。謂之弗克。請奮其旅。于罕之羌。天子命我從之。鮮陽營平守節。婁奏封章。料敵制勝。威謀靡亢。遂克西戎。還師于京。鬼方賓服。罔有不庭。昔周之宣。有方有虎。詩人歌功。迺列于雅。在漢中興。充國作武。赳赳桓桓。亦紹厥後。

晉陸機漢高祖功臣頌

井序

相國鄼文終侯沛蕭何。相國平陽懿侯沛曹參。太子少傅留文成侯韓張良。丞相曲逆獻侯陽武陳平。楚王淮陰韓信。梁王昌邑彭越。淮南王六黥布。趙景王大梁張耳。韓王韓信。燕王豐盧綰。長沙文王吳芮。荆王沛劉賈。太傅安國懿侯王陵。左丞相絳武侯沛周勃。相國舞陽侯沛樊噲。右丞相曲周景侯高陽酈商。太僕汝陰文侯沛夏侯嬰。丞相潁陰懿侯睢陽灌嬰。代丞相陽陵景侯魏傅寬。車騎將軍信。

武肅侯靳歙。大行廣野君。高陽酈食其。中郎建信侯。齊劉敬。太中大夫。楚陸賈。太子太傅。稷嗣君。薛叔孫通。魏無知。護軍中尉。隨何。新城三老董公。轅生。將軍紀信。御史大夫。沛周苛。平國君侯公。右三十一人。與定天下安社稷者也。頌曰。

芒芒宇宙。上塲下。黷波振四海。塵飛五岳。九服徘徊。三靈改卜。赫矣高祖。肇載天祿。沈跡中鄉。飛名帝錄。慶雲應輝。皇階授木。龍興泗濱。虎嘯豐谷。彤雲晝聚。素靈夜哭。金精仍頽。朱光以渥。萬邦宅心。駿民效足。堂堂蕭公。王迹是因。綢繆叡后。無競維人。外濟六師。內撫三秦。拔奇夷難。邁德振民。體國垂制。上穆下親。名蓋羣后。是謂宗臣。平陽樂道。在變則通。爰淵爰嘿。有此武功。長驅河朔。電擊壤東。協策淮陰。亞迹蕭公。文成作師。通幽洞冥。永言配命。因心則靈。窮神觀化。望影揣情。鬼無隱謀。物無遁形。武關是關。鴻門是寧。隨難榮陽。卽謀下邑。銷印碁廢。推齊勸立。運籌固陵。定策東襲。三王從風。五侯允集。霸楚實喪。皇漢凱入。怡顏高覽。彌翼鳳戢。託迹黃老。辭世卻粒。曲逆宏達。好謀能深。遊精杳漠。神迹是尋。重玄匪奧。九地匪